

STRATEGIJA RAZVOJA SARADNJE SA ISELJENIŠTVOM  
BRČKO DISTRIKTA BiH za period 2020. – 2024. godina  
(nacrt – osnovni sažetak)

Brčko, juni 2019.godine

# SADRŽAJ

## Uvod

- |  |    |
|--|----|
| 1. Strateški okvir I prepoznatljivost iseljeničtva<br>u strateškim dokumentima | 4  |
| 2. Vizija, misija, strateški ciljevi i mjere                                   | 6  |
| 3. Budžet potreban za implementaciju Strategije                                | 23 |
| 4. Grafički prikaz strateških ciljeva  | 24 |

## UVOD

Iseljništvo predstavlja vrlo važan i vrijedan društveni resurs za svako društvo, pa tako i bosanskohercegovačko. Iseljništvo je jako zainteresovane za proširivanje i produbljavanje svih vrsta i oblika veza sa semljom porijekla i u tom kontekstu spremno na unapređenje daljnje saradnje. Stoga se i od Brčko Distrikta BiH (BDBiH) očekuje da u svom domenu djelovanja i odgovornosti stvori još bolje uslove i pretpostavke za čvršće povezivanje i produbljavanje saradnje sa iseljništvom, kako u cilju unapređenja položaja i statusa iseljenika u zemljama u kojima borave i razvijanju trajnih veza sa domovinom tako i ubrzanijeg društvenog razvoja samog Distrikta.

Cilj ove strategije je da kroz definisanje jasne vizije, strateških ciljeva i mjera značajno doprinese boljoj saradnji BDBiH i njegovih iseljenika te da razvije i ojača odnose iseljenika druge i treće generacije sa mjestom njihovog porijekla u narednom petogodišnjem periodu (2020. – 2024.godina).

Strategija je nastala kao rezultat rada Radne grupe za izradu Strategije razvoja saradnje sa iseljništvom koju je Vlada BDBiH formirala od predstavnika izvršne vlasti Distrikta po pojedinim odjeljenjima Vlade i u saradnji sa IOM<sup>1</sup>, UNDP<sup>2</sup> i USAID Diaspora Invest<sup>3</sup> koji su pružili specijalističku stručnu pomoć pri njenoj izradi.

Važno je i napomenuti da ova strategija predstavlja integralni dio Okvirne strategije razvoja saradnje sa iseljništvom Bosne i Hercegovine i da je u svim bitnim elementima usaglašena sa strategijama drugih nivoa vlasti u BiH.

---

<sup>1</sup> IOM – Međunarodna organizacija za migracije

<sup>2</sup> UNDP – Razvojni program Ujedinjenih nacija

<sup>3</sup> USAID Diaspora Investment – Projekat „Podrška investiranju dijasporu u BiH “ koji provodi Američka agencija za međunarodni razvoj

## 1. Strateški okvir I prepoznatljivost iseljništva u strateškim dokumentima

Na nivou BiH, usvojeni su strateški dokumenti od posebnog značaja za kreiranje politika prema iseljništvu.

**Politika o saradnji sa iseljništvom (2017)** je dokument Ministarstva za ljudska prava i izbjeglice BiH usvojen od strane Vijeća ministara BiH, kojim se, po prvi put institucionalizira saradnja između BiH i njenog iseljništva. Dokument uspostavlja tri glavna strateška cilja: Razvoj pravnog sistema i institucionalnih kapaciteta, Pružanje podrške iseljništvu i unaprjeđenje saradnje, Stvaranje uslova za veći doprinos iseljništva razvoju BiH.

**Strategija u oblasti migracija i azila BiH (2016-2020)** ima osam strateških ciljeva, od kojih je jedan i „Jačanje institucionalnih kapaciteta u BiH u cilju povezivanja migracije i razvoja“. U okviru ovog cilja predviđena su dva seta mjera – prvi u vezi sa imigracijom i razvojem pod vođstvom Ministarstva sigurnosti (Sektora za imigraciju), i drugi u vezi sa emigracijom i razvojem koji vodi MLJPI (Sektor za iseljništvo).

U okviru ovog drugog seta mjera (mjere 6.2), Akcionim planom 2016-2020, predviđene su aktivnosti na poboljšanju pravnog i institucionalnog okvira za saradnju sa iseljništvom (razvijanje sistema praćenja emigracionih trendova, jačanje kapaciteta MLJPI i podrška drugim institucijama različitih nivoa vlasti i civilnom sektoru za uključivanje iseljništva s ciljem doprinosa razvoju BiH).<sup>4</sup>

U **Strategiji vanjske politike Bosne i Hercegovine 2018– 2023**<sup>5</sup>, navodi se, da će se vanjska politika Bosne i Hercegovine usmeriti na privlačenje što većeg broja visokoobrazovanih i poslovno aktivnih osoba poreklom iz Bosne i Hercegovine. Diplomatsko-konzularna predstavništva će održavati intenzivnu komunikaciju i susrete sa udruženjima iseljenika u svrhu upoznavanja potencijala iseljništva Bosne i Hercegovine, sa naglaskom na stručne i visokoobrazovne kadrove. Pomagaće i mapiranje iseljništva.

U nacrtu **Strategije razvoja nauke u BiH 2017-2022**, jedan od ciljeva je »Uključivanje naučnog iseljništva u istraživački prostor BiH«<sup>6</sup>. Predviđa se podrška naučnog iseljništva u razvoju kadrova (obuka na domaćim univerzitetima ili u inostranstvu i dokvalifikacija), razvoju sistema vrednovanja i praćenja kvaliteta rada u oblasti naučnoistraživačke i istraživačko-razvojne delatnosti, izradi naučno-tehnološke baze podataka i unapređenju izdavaštva. Očekuje se njihova pomoć u uključivanju u evropske tokove nauke i tehnologije i međunarodnu saradnju.

---

<sup>4</sup> Strategija u oblasti migracija i azila i akcijski plan za razdoblje 2016- 2020, [http://www.msb.gov.ba/PDF/Strategija\\_HRV\\_2016.pdf](http://www.msb.gov.ba/PDF/Strategija_HRV_2016.pdf)

<sup>5</sup> Strategija vanjske politike BiH 2018-2023, <https://dijaspora.mhrr.gov.ba/wp-content/uploads/2018/06/Strategija-vanjske-politike-Predsjednistva-BiH-HRV.pdf>

<sup>6</sup> Strategija razvoja nauke u Bosni i Hercegovini 2017 – 2022. godina, <http://sllist.ba/glasnik/2018/broj22/broj022.pdf>

U dokumentu **Prioriteti za razvoj visokog obrazovanja u BiH za period 2016-2026**<sup>7</sup>, prepoznata je važnost mobilnosti i međunarodne saradnje. Podrška iseljeničtva bila bi posebno značajna kod tri prioriteta: Pod prioritetoj »Naučnoistraživački rad«, planira se usaglašavanje sektorskih prioriteta područja za razvoj naučno-istraživačkog rada na visokoškolskim ustanovama i izrada institucionalnih planova razvoja; programi usavršavanja akademskog osoblja; i finansiranje međunarodne saradnje i umrežavanja. Takođe se planira da se u skladu sa Strategijom mobilnosti EHEA 2020 „Mobilnost za bolje učenje“ izradi dokumenti o mobilnosti. Kod prioriteta »Povezanost tržišta rada i visokog obrazovanja«, planira se da se istraživačkom radu i inovacijama na VŠU da visok prioritet, kao i da se unapredi zakonodavstvo i praksa u oblasti priznavanja kvalifikacija u svrhu zapošljavanja ili nastavka školovanja. Pod prioritetoj »Internacionalizacija« planira se međunarodna mobilnost, umrežavanje i projekti, kao i izrada studijskih programa na stranim jezicima.

S obzirom da BDBiH direktno primjenjuje odluke institucija BiH na svojoj teritoriji, strateški dokumenti koji su gore pomenuti za državni nivo čine osnovni strateški okvir i okvir djelovanja i za BDBiH. Gotovo svi navedeni strateški dokumenti tretiraju BDBiH i prihvaćeni su i od strane organa BDBiH koji su i učestvovali u njihovoj izradi.

Na nivou BDBiH strateški okvir odnosno opšti pravci, smjernice i okvir djelovanja izvršne i zakonodavne vlasti Distrikta definisani su dokumentom **“Opšta politika Brčko Distrikta BiH za period 2016.-2020.godina”**<sup>8</sup> koji je Skupština BD usvojila u februaru 2017.godine.

---

<sup>7</sup> Prioriteti za razvoj visokog obrazovanja u BiH za period 2016-2026

[http://www.cip.gov.ba/images/pdf/Legislativa/PRIORITETI\\_ZA\\_RAZVOJ\\_VISOKOG\\_OBRAZOVANJA\\_U\\_BOSNI\\_I\\_HERCEGOVINI\\_ZAPERIOD\\_2016\\_2026\\_GODINE\\_HR.pdf](http://www.cip.gov.ba/images/pdf/Legislativa/PRIORITETI_ZA_RAZVOJ_VISOKOG_OBRAZOVANJA_U_BOSNI_I_HERCEGOVINI_ZAPERIOD_2016_2026_GODINE_HR.pdf)

<sup>8</sup> Opšta politika Brčko Distrikta BiH za period 2016.-2020.godina,  
<https://skupstinabd.ba/images/dokumenti/ba/opca-politika.pdf>

## 2. Vizija, misija i strateški ciljevi

Politikom o saradnji sa iseljeništvom<sup>9</sup> BiH je definisala viziju po kojoj iseljništvo iz BiH čini neodvojiv segment bosanskohercegovačkog društva, a snažne veze sa iseljeništvom predstavljaju strateški interes BiH. Okvirna strategija saradnje sa iseljeništvom BiH oslanja se na ovako uspostavljenu viziju iz navedenog dokumenta.

U skladu sa ovako definisanom širom vizijom, DBBiH definiše svoju viziju saradnje sa iseljeništvom kao:

**Izgrađen efikasan i efektivan sistem međusobnih veza i odnosa koji omogućava stalnu podršku i jačanje uspješne saradnje BDBiH sa iseljeništvom i uključivanje iseljništva u razvoj na svim poljima od zajedničkog i opšteg interesa.**

U ostvarivanju ovako definisane vizije **misija** vlasti BDBiH i svi drugih zainteresovanih subjekata iz Distrikta **je da kontinuirano rade na stalnom jačanju međusobnih veza sa iseljeništvom i pružanju svih oblika pomoći iseljeništvu kad god ono izrazi želju ili potrebu za saradnjom ili pomoći.**

Strategija saradnje sa iseljeništvom BDBiH počiva na četiri osnovna stuba odnosno područja koja su identifikovana kao prioritetna područja djelovanja u ostvarivanju definisane vizije. Ta područja su:

- a) Izgradnja institucionalnog i normativnog okvira za uključivanje iseljništva;
- b) Društveni razvoj u funkciji uključivanja iseljništva;
- c) Ekonomski razvoj i uključivanje iseljništva; i
- d) Podrška mladima sa akcentom uključivanja mladih iz iseljništva.

U okviru prioritetnih područja definisani su slijedeći strateški ciljevi:

**Strateški cilj 1: Razviti institucionalne i normativne kapacitete BDBiH za uspješnu saradnju sa iseljeništvom**

**Strateški cilj 2 : Uključivanjem društvenog i ljudskih kapitala iseljništva ubrzati društveni razvoj Distrikta i ojačati međusobne veze**

**Strateški cilj 3: Obezbjediti aktivno sudjelovanje iseljništva u ekonomskom razvoju BDBiH**

---

<sup>9</sup> Dokument Politika o saradnji sa iseljeništvom, april 2017, str.12

## Strateški cilj 4: **Uključivanjem mladih iz iseljeništva stvoriti uslove za poboljšanje položaja mladih u Distriktu i razvoj cirkularnih migracija**

U okviru ovako definisanih strateških ciljeva saradnje BDBiH sa iseljeništvom razrađeni su prioriteti i mjere za njihovo ostvarivanje.

### **5.1. Strateški cilj 1. - Razviti institucionalne i normativne kapacitete BDBiH za uspješnu saradnju sa iseljeništvom**

Ostvarivanje ovog cilja podrazumjeva uspostavljanje djelotvorne institucionalne infrastrukture i razvijanje mehanizma koordinacije koja će moći odgovoriti svim izazovima saradnje sa iseljeništvom, te razvijanje aktivnosti koje će dovesti do bolje saradnje sa iseljeništvom i njegovog uključivanja u razvojne procese u BDBiH uz minimalno angažovanje dodatnih resursa Distrikta.

#### 5.1.1. Prioriteti

U okviru Strateškog cilja 1 definisana su 3 prioriteta djelovanja i to:

#### **Prioritet 1 - Uspostavljanje koordinacionog mehanizma za podršku uključivanja koncepta migracija u razvojne politike na svim nivoima vlasti**

Na nivou države, entiteta i lokalnih zajednica odvija se čitav niz aktivnosti vezanih za razvoj odnosa sa iseljeništvom i uključivanje iseljeničtva u razvojne procese u BiH. Ova situacija nameće potrebu da se BDBiH aktivno uključi u sve procese i koordinira svoje aktivnosti sa drugim učesnicima, te na taj način iskoristi sve prednosti koje koordinirani rad i saradnja može da pruži.

Pored koordinacije aktivnosti sa ostalim subjektima neophodno je uspostaviti i mehanizam koordinacije unutar samog Distrikta s obzirom da je problematika vezana za razvoj odnosa sa iseljeništvom multidisciplinarna i obuhvata gotovo sva područja rada i djelovanja.

#### **Prioritet 2 - Razvoj kapaciteta javne uprave za uspješnu saradnju sa iseljeništvom**

Da bi se uspješno odgovorilo na izazove koji stoje pred realizacijom ove Strategije neohodno je razviti adekvatne ljudske resurse odnosno znanja i vještine ljudi koji će biti nosioci konkretnih aktivnosti i razvoja odnosa sa iseljeništvom u svom domenu kompetencija. Na ovaj način će se obezbjediti, sa jedne strane uključivanje iseljeničtva u sve razvojne procese i razvojna dokumenta u Distriktu i s druge strane stvoriti adekvatna i stručna podrška za razvijanje svih oblika saradnje sa iseljeništvom.

#### **Prioritet 3 - Identifikacija iseljeničtva i uspostavljanje kanala komunikacije**

Za uspješnu realizaciju Strategije i postavljenih strateških ciljeva neophodno je, prije svega, identificirati iseljništvo BDBiH kako po zemljama u kojima se nalaze, tako i po drugim karakteristikama bitnim za realizaciju Strategije.

Identifikacija iseljništva, njihovih stvarnih potreba, mogućnosti i spremnosti na saradnju i uključivanje u razvojne procese u Distriktu i uspostavljanje trajnih kanala komunikacije ključni su faktor za uspješnu realizaciju ove Strategije.

### 5.1.2. Mjere

Realizacija Strateškog cilja 1 i utvrđenih prioriteta realizovaće se kroz provođenje slijedećih mjera:

**Mjera 1:** Uspostaviti vertikalnu koordinaciju sa nadležnim tijelima, organima i organizacijama na nivou BiH koristeći postojeći mehanizam koordinacije

Cilj mjere:	Uspostaviti funkcionalni sistem koordinacije i razmjene informacija koje se tiču saradnje sa iseljništvom
Sadržaj:	<p>*Ovlastiti Ured koordinatora BDBiH u Vijeću ministara BiH za komunikaciju, prikupljanje i distribuciju informacija, dokumenata, projekata i kontakata vezanih za saradnju sa iseljništvom ;</p> <p>*Ovlastiti dogradonačelnika BDBiH kao kontrolnu tačku za komunikaciju, prikupljanje i distribuciju informacija, dokumenata, projekata i kontakata vezanih za saradnju sa iseljništvom</p> <p>*Ovlastiti Odjeljenje za evropske integracije i međunarodnu saradnju kao prijemnu i distributivnu tačku mehanizma vertikalne koordinacije saradnje sa iseljništvom</p>
Rezultat:	<p>*Uspostavljen institucionalizovani mehanizam vertikalne koordinacije po pitanjima razvoja saradnje sa iseljništvom i uključivanja iseljništva u razvojne procese</p> <p>*Unapređenja saradnja sa nadležnim tijelima, organima i organizacijama i učešće BDBiH u zajedničkim aktivnostima i projektima vezanim za iseljništvo</p>
Nosioci	<p>Vlada BDBiH</p> <p>Ured koordinatora BDBiH u Vijeću ministara BiH</p> <p>Odjeljenje za evropske integracije i međunarodnu saradnju</p>
Korisnici	Iseljništvo i građani BDBiH, Odjeljenja u sastavu Vlade BDBiH

*Opis mjere:* Koristeći već postojeći mehanizam koordinacije koji Distrikt ima sa institucijama na BiH nivou, donošenjem odgovarajućih odluka organa koji su nosioci aktivnosti uspostaviće

se formalizovani vertikalni kanal komunikacije i koordinacija između Ureda Koordinatora BDBiH pri Vijeću Ministara BiH preko Dogradonačelnika do Odjeljenja za evropske integracije i međunarodnu saradnju po svim pitanjima i aktivnostima vezanim za saradnju u domenu iseljništva sa višim nivoom vlasti i međunaodnim organizacijama i institucijama koje se bave ili učestvuju u razvoju odnosa sa iseljništvom.

**Mjera 2:** Uspostaviti horizontalnu koordinaciju svih Odjeljenja u sastavu Vlade BDBiH po pitanjima i aktivnostima vezanim za iseljništvo koristeći postojeći mehanizam koordinacije.

Cilj mjere:	Uspostaviti funkcionalni sistem horizontalne koordinacije aktivnosti i razmjene informacija koje se tiču saradnje sa iseljništvom unutar Vlade BDBiH
Sadržaj:	Ovlastiti Odjeljenje za evropske integracije I međunarodnu saradnju kao glavnu tačku mehanizma horizontalne koordinacije saradnje sa iseljništvom
Rezultat:	<ul style="list-style-type: none"> <li>*Uspostavljen institucionalizovani mehanizam horizontalne koordinacije po pitanjima razvoja saradnje sa iseljništvom i uključivanja iseljništva u razvojne procese</li> <li>*Unapređenja saradnja Odjeljenja Vlade BDBiH po pitanjima, aktivnostima i projektima vezanim za iseljništvo</li> <li>* Koncept migracija I saradnje sa iseljništvom sastavni dio svih razvojnih politika Distrikta</li> <li>* Uspostavljena efektivna i efikasna saradnja sa iseljništvom po svim pitanjima</li> </ul>
Nosioci	Vlada BDBiH Odjeljenje za evropske integracije I međunarodnu saradnju
Korisnici	Iseljništvo i građani BDBiH, Odjeljenja u sastavu Vlade BDBiH

*Opis mjere:* Odjeljenje za evropske integracije i međunarodnu saradnju će biti polazna i ishodišna tačka horizontalne koordinacije sa svim Odjeljenjima u sastavu Vlade BDBiH po pitanjima iseljništva, pri čemu će se koristiti već uspostavljeni i razrađeni mehanizam horizontalne koordinacije koji je u funkciji po drugim pitanjima.

**Mjera 3:** Edukacija, obuka i trening rukovodilaca/službenika zaduženih za pitanja iseljništva i saradnju sa iseljništvom

Cilj mjere:	Osposobljavanje za uspješnu realizaciju strategije kroz povećanje razumjevanja koncepta migracija, značaja uključivanja iseljništva u razvoj i sticanje znanja i vještina neophodnih za uspješnu realizaciju saradnje sa iseljništvom
-------------	---

Sadržaj:	<p>Identifikacija i odabir rukovodilaca/službenika koji će se osposobljavati</p> <p>Kreiranje plana i programa osposobljavanja</p> <p>Provođenje programa osposobljavanja</p> <p>Evaluacija programa osposobljavanja</p>
Rezultat:	<p>* Osposobljena javna uprava za uspješnu saradnju sa iseljeništvom</p> <p>* Problematika iseljeništa tretirana u svim razvojnim i operativnim planovima rada i aktivnostima</p> <p>* Unapređenja saradnja Odjeljenja Vlade BDBiH po pitanjima, aktivnostima i projektima vezanim za iseljeništvom</p> <p>* Uspostavljena efektivna i efikasna saradnja sa iseljeništvom po svim pitanjima</p>
Nosioci	<p>Odjeljenje za evropske integracije i međunarodnu saradnju</p> <p>Šefovi Odjeljenja Vlade BDBiH</p>
Korisnici	<p>Iseljeništvom i građani Distrikta, Odjeljenja u sastavu Vlade BDBiH</p>

*Opis mjere:* Edukovana i osposobljena javna uprava predstavlja osnovnu polugu uspješne saradnje sa iseljeništvom i osnovnu pretpostavku uspješne realizacije ove strategije, te je stoga neophodno da kroz dodatnu edukaciju i treninge zaposleni u javnoj upravi Distrikta koji će direktno biti uključeni u poslove saradnje sa iseljeništvom razviju potrebna znanja i vještine. Odjeljenje za evropske integracije će u saradnji sa šefovima drugih Odjeljenja pripremiti plan i program edukacije zaposlenih vezano za saradnju sa iseljeništvom a u sklopu planiranog budžeta obuke i treninge izvoditi samostalno ili u saradnji sa međunarodnim i drugim organizacijama koje se bave ovim pitanjima.

#### **Mjera 4:** Uspostavljanje i ažuriranje registra iseljeništa BDBiH

Sadržaj:	<p>* Kreiranje baze podataka (registra) iseljenika i iseljeničkih organizacija I udruga koje okupljaju iseljenike iz Distrikta ili žele da sarađuju sa Distriktom.</p> <p>* Baza bi pored podataka za kontakt iseljenika sadržavala I podatke o njihovim znanjima i vještinama te potrebama i mogućnostima za saradnju</p> <p>* Prijava u bazu bi se vršila preko web portala Vlade Distrikta na taj način što bi sami iseljenici i/ili njihove organizacije popunjavale prijavu u bazu</p> <p>* Preko web portala Vlade Distrikta vršilo bi se i obavještanje iseljeništa o aktivnostima vezanim za saradnju sa iseljeništvom te omogućilo prikupljanje upita I inicijativa od strane iseljeništa</p> <p>Popunjavanje baze bi se vršilo i na osnovu drugih izvora informacija i kontakata</p>
----------	--

Rezultat:	<ul style="list-style-type: none"> <li>*Ažuriran registar iseljenika BDBiH spremnih na saradnju po raznim pitanjima</li> <li>*Kreiran direktan kanal komunikacije sa iseljeništvom zainteresovanim za saradnju</li> <li>*Kreiran kanal komunikacije za direktno informisanje iseljeništvu o svim stvarima koje se dešavaju u Distriktu</li> <li>* Uspostavljena efikasna saradnja sa iseljeništvom po svim pitanjima</li> </ul>
Korisnici	Odjeljenja u sastavu Vlade BDBiH

*Opis mjere:* Identifikacija i poznavanje iseljeništvu je fundament za proaktivan pristup realizaciji postavljenih ciljeva te je uspostavljanje registra iseljenika iz BDBiH u tom kontekstu jedan od prioriteta. Registar će se ažurirati na osnovu dobrovoljnih prijavi iseljenika preko portala Vlade BDBiH, a služiće kao resursna i informaciona baza podataka za provođenje aktivnosti saradnje sa iseljeništvom, informisanje iseljeništvu i osnova za kreiranje budućih aktivnosti. U sklopu projekta D4D<sup>10</sup> već su počele aktivnosti na uspostavljanju registra iseljenika u Distriktu te se ovom mjerom samo bolje definišu parametri koji se odnose na to.

#### **Mjera 5: Organizovanje radne manifestacije “Dani brčanske dijasporu”**

Cilj mjere:	Uspostaviti direktnu komunikaciju sa iseljeništvom radi sagledavanja problema, očekivanja, potreba, mogućnosti i prilika za saradnju
Sadržaj:	* Organizovanje dvodnevne manifestacije u Distriktu na kojoj bi se u formi okruglih stolova ili panela razgovaralo sa iseljeništvom o mogućnostima saradnje ili pomoći u svim segmentima života i područjima od interesa za iseljeništvu
Rezultat:	<ul style="list-style-type: none"> <li>*Bolje razumjevanje potreba i interesa iseljeništvu</li> <li>* Bolja komunikacija sa iseljeništvom</li> <li>*Uspostavljanje dugoročnije saradnje na principa međusobnog povjerenja i razumjevanja</li> </ul>
Nosioci	<p>Kabinet Gradonačelnika</p> <p>Odjeljenje za evropske integracije i međunarodnu saradnju</p> <p>Druga Odjeljenja Vlade BDBiH u zavisnosti od tema koje su izabrane za konkretnu manifestaciju</p>
Korisnici	Iseljeništvu i građani Distrikta

<sup>10</sup> DfD = Diaspora for Development, Projekat Dijaspore za razvoj koji finansira Vlada Švicarske a provode UNDP i IOM

*Opis mjere:* Radni sastanci sa iseljeništvom predstavljaju jedan od osnovnih mehanizama za uspostavljanje dugoročne uspješne saradnje. Organizovanjem redovnog godišnjeg okupljanja iseljenika u cilju uspostavljanja obostranog razumjevanja i sagledavanja problema, potreba i mogućnosti stvorile bi se osnove za efektivniju i efikasniju realizaciju mjera i aktivnosti od interesa za Distrikt i iseljeništvu.

**Mjera 6: Organizovanje studijskih posjeta brčanskom iseljeništvu**

Cilj mjere:	Uspostaviti direktnu komunikaciju sa iseljeništvom radi sagledavanja problema, očekivanja, potreba, mogućnosti i prilika za saradnju
Sadržaj:	Nakon identifikacije najvećih potencijala iseljeništa za saradnju (najveća koncentracija iseljeništa, najzainteresovanija grupacija za saradnju, iseljeništvu sa najviše ekonomskog ili drugog potencijala) organizovati kraći studijski posjet delegacije BDBiH udruženjima iseljenika sa ciljem promoviranja potencijala i potreba Distrikta. Studijske posjete bi se organizovale dva puta godišnje
Rezultat:	*Promocija potencijala Distrikta *Bolje razumjevanje potreba i interesa iseljeništa * Bolja komunikacija sa iseljeništvom *Uspostavljanje dugoročnije saradnje na principa međusobnog povjerenja i razumjevanja
Nosioci	Kabinet Gradonačelnika Odjeljenja Vlade BDBiH u zavisnosti od tema koje su izabrane za konkretnu studijsku posjetu
Korisnici	Iseljeništvu Brčko Distrikta

*Opis mjere:* Kraće, ciljane studijske posjete iseljenicima u njihovoj zemlji boravka predstavljaju efikasan način uspostavljanja direktne komunikacije u funkciji sticanja međusobnog povjerenja, promocije međusobne saradnje i potencijala za saradnju. Ovom mjerom predviđene su 2 studijske posjete godišnje iseljenicima i njihovim organizacijama u zemljama boravka u kojima iseljenici izraze potrebu ili volju za razvijanjem saradnje.

**5.2. Strateški cilj 2. - Uključivanjem društvenog i ljudskih kapitala iseljeništa ubrzati društveni razvoj Distrikta i ojačati međusobne veze**

Drugi strateški cilj odražava nastojanja da se unapredi postojeća saradnja sa iseljeništvom u oblasti obrazovanja, nauke i kulture novim sadržajima, kroz povezivanje institucija, organizacija i pojedinaca iz BDBiH sa iseljenicima i njihovim organizacijama. Ostvarivanje ovo cilja treba da doprinese transferu znanja, povećanju aktivne primjene savremenih naučnih i tehnoloških metoda i rezultata i čvršćem povezivanju lokalnih aktera sa iseljeništvom, te razvoju cirkularnih migracija.

### 5.2.1 Prioriteti

Realizacija ovog strateškog cilja ostvariće se kroz slijedeće prioritetne oblasti:

**Prioritet 1 – Korištenje društvenog i ljudskog kapitala iseljeništa u ubrzavanju društvenog razvoja Distrikta kroz transfer znanja i vještina**

**Prioritet 2 - Promocija i produbljivanje saradnje veza BDBiH sa iseljeništvom u različitim domenima društvenog razvoja Distrikta**

U okviru prvog prioriteta BDBiH će u saradnji sa drugim nivoima vlasti u BiH dati svoj doprinos uspostavljanju sveobuhvatne baze naučnog i akademskog iseljeništa i njenom kontinuiranom ažuriranju, te uključivanju naučnog i akademskog iseljeništa u razvojne procese u Distriktu kao i uključivanju obrazovne i naučne zajednice Distrikta u zajedničke međunarodne akademske, naučno – istraživačke i razvojne projekte.

Na ovaj način bi se značajni naučni, stručni i istraživački kapaciteti koje iseljeništo iz BiH posjeduje stavili u funkciju razvoja Distrikta, te kroz transfer znanja i zajedničke projekte, unaprijedili vlastiti kapaciteti i potencijali.

U okviru drugog prioriteta BDBiH će u cilju promocije i produbljivanja saradnje i veza sa iseljeništvom raditi na realizaciji mjera i aktivnosti iz domena kulture i drugih oblasti života kojima će se bolje povezati iseljeništo sa lokalnim stanovništvom i ojačati međusobne veze.

### 5.2.2. Mjere

Realizacija strateškog cilja 2 i utvrđenih prioriteta realizovaće se kroz slijedeće mjere:

**Mjera 1 - Razvijanje kanala razmjene informacija o potrebnim i raspoloživim resursima za transfer znanja i vještina**

Cilj mjere:	Participacija u uspostavljanju sveobuhvatne baze naučnog iseljeništa BiH, kao resursa za uključivanje u razvojne procese u Bosni i Hercegovini, kao integralnog dela evidencije naučne zajednice Bosne i Hercegovine
Sadržaj:	<ul style="list-style-type: none"> <li>• Participacija u izradi matrice za prikupljanje ključnih informacija o naučnom i akademskom iseljeništvu, a koja uključuje i informacije o njihovim kompetencijama i</li> </ul>

	<p>socijalnim vezama u okvirima međunarodne naučne zajednice</p> <ul style="list-style-type: none"> <li>• Učešće u kontinuiranom proces identifikacije i uključivanja ključnih aktera koji raspolažu podacima o naučnom iseljeništvu iz BiH i mapiranja naučnog i akademskog iseljništva</li> </ul>
Rezultat:	<ul style="list-style-type: none"> <li>• Uspostavljena i produbljena saradnja sa ključnim akterima koji raspolažu podacima o naučnom i akademskom iseljeništvu iz BiH</li> <li>• Uspostavljena matrica za prikupljanje informacija o naučnom i akademskom iseljeništvu iz BiH, kao i njihovih ključnih kompetencija</li> <li>• Uspostavljena baza podataka naučnog i akademskog iseljništva, naučnih institucija u kojima rade, kao integralni deo baze naučnih radnika i institucija BiH</li> </ul>
Nosioci	Ured koordinatora BDBiH BiH u Vijeću ministara BiH, Odjeljenje za evropske integracije i međunarodnu saradnju, akademske institucije Distrikta
Korisnici	Iseljništvo, akademska zajednica, donosioci odluka na nivou Distrikta i građani Distrikta

*Opis mjere:* Kroz mehanizam koordinacije preko Ureda koordinatora, odjeljenja Vlade BDBiH, institucije Distrikta i akademska zajednica Distrikta će doprinijeti uspostavljanju sveobuhvatne baze podataka naučnog i akademskog iseljništva i naučnih institucija u kojima rade učestvujući u svim mjerama i aktivnostima koje će u navedenom kontekstu provoditi Ministarstvo civilnih poslova u saradnji sa Ministarstvom za ljudska prava i izbjeglice i Međuinstituionalnim i Savjetodavnim tijelom na nivou BiH.

## **Mjera 2 - Razvoj mehanizama podrške transferu znanja i vještina**

Cilj mjere:	Kreiranje povoljnijeg ambijenta za veću uključenost eksperata, naučnog i akademskog iseljništva u razvojne i reformske procese obrazovnog i naučno-istraživačkog prostora u BDBiH
Sadržaj:	<ul style="list-style-type: none"> <li>• Identifikovanje potreba i mogućnosti uključivanja naučnog i akademskog iseljništva u reformske procese obrazovnog i naučno-istraživačkog rada u BDBiH</li> <li>• Podrška projektnim predlozima koji uključuju stručnjake iz iseljništva u reformske procese</li> </ul>
Rezultat:	<ul style="list-style-type: none"> <li>• Realizovani javni pozivi i po tom osnovu aktivnosti koje uključuju stručnjake iz iseljništva</li> <li>• Organizacija seminara, naučnih konferencija, stručnih posjeta i drugih događaja kojima se javnosti predstavlja doprinos iseljništva razvojnim društvenim, a posebno obrazovnim i naučnim procesima u Distriktu</li> </ul>
Nosioci	Odjeljenje za obrazovanje i Odjeljenje za evropske integracije i međunarodnu saradnju

Korisnici	Akademsko zajednica, institucije BDBiH i građani
-----------	--

*Opis mjere:* U okviru ove mjere nosioci aktivnosti iz BDBiH bi koristeći već postojeće mehanizme razvijene na nivou BiH uzeli aktivniju ulogu u procesima i to u prvom redu kroz identifikaciju i prikupljanje informacija o potrebama u ovom segmentu, kao i stalnom praćenju mogućnosti koje se u okviru međunarodnih i domaćih projekata i javnih poziva nude da bi se iskazane potrebe zadovoljile. Pored navedenog realizacijom ove mjere unutar BDBiH bi se uspostavio stalni mehanizam podrške ovim aktivnostima kroz realizaciju javnih poziva za finansiranje ili sufinansiranje projektnih inicijativa u skladu sa iskazanim potrebama i ciljem koji se želi postići u realizaciji ove Strategije.

**Mjera 3 - Uspostavljanje fundusa književnog i publicističkog stvaralaštva iseljeničtva – Kulturni kutak dijaspora**

Cilj mjere:	Promocija kulturnog stvaralaštva dijaspora u funkciji produblivanja saradnje
Sadržaj:	U okviru Gradske biblioteke formiraće se poseban fondus književnog i publicističkog stvaralaštva iseljenika iz Distrikta i vršiti njegova prezentacija. U tu svrhu svake će se godine vršiti otkup književnih dijela stvaralaca iz dijaspora i organizovati jedno književno veče na kojem će to stvaralaštvo biti prezentirano i široj javnosti
Rezultat:	<ul style="list-style-type: none"> <li>• Formiran fondus književnog i publicističkog stvaralaštva iseljenika</li> <li>• Organizovan i promovisan Kulturni kutak dijaspora</li> <li>• Promovisano književno i publicističko stvaralaštvo iseljenika</li> </ul>
Nosioci	Gradska biblioteka i Odjeljenje za privredni razvoj, sport i kulturu
Korisnici	Iseljenici i građani Distrikta

*Opis mjere:* Prvenstveni cilj ove mjere je da se ostvari čvršća kulturna saradnja sa iseljenicima i kroz prezentaciju njihovog stvaralaštva javnosti Distrikta ojača povezanost sa iseljeničtvom. U navedenom kontekstu Gradska biblioteka će urediti Kulturni kutak dijaspora i svake godine prikupljati književna i publicistička djela brčanskih iseljenika, te organizovati književne večeri i predstavljanja. Fondus književnog i publicističkog stvaralaštva iseljenika trebao bi se u prvom redu popunjavati djelima autora koji su iselili sa teritorije Distrikta a ukoliko planirana sredstva omoguće i djelima najistaknutijih stvaralaca u iseljeničtvu, a koji su porijeklom iz BiH.

**Mjera 4 - Predstavljanja likovnog i multimedijalnog stvaralaštva iseljeničtva i domaćih umjetnika u zemljama iseljeničtva**

Cilj mjere:	Promocija kulturnog stvaralaštva dijaspore i domaćeg likovnog stvaralaštva u funkciji produbljivanja saradnje
Sadržaj:	Gradska galerija Distrikta organizovaće izložbe likovnog i multimedijalnog stvaralaštva umjetnika iz iseljeništva i domaćih umjetnika u inostranstvu
Rezultat:	<ul style="list-style-type: none"> <li>Organizovan i promovisano likovno i multimedijalno stvaralaštvo umjetnika iz iseljeništva i domaćih umjetnika u inostranstvu</li> </ul>
Nosioci	Gradska galerija i Odjeljenje za privredni razvoj, sport i kulturu
Korisnici	Iseljenici i građani Distrikta

*Opis mjere:* Kao i kod prethodne mjere primarni cilj je jačanje kulturne saradnje i produbljivanje veza iseljenika sa zavičajem i obostrana promocija kulturnog stvaralaštva. U navedenom kontekstu Gradska galerija je glavni nosilac aktivnosti na identifikaciji, kreiranju sadržaja, organizaciji i promociji događaja u saradnji sa relevantnim institucijama i organizacijama u Distriktu i inostranstvu.

### 5.3. Strateški cilj 3. – Obezbjediti aktivno sudjelovanje iseljeništva u ekonomskom razvoju BDBiH

Ostvarivanje ovog cilja treba da doprinese :

- boljem korištenju potencijala poslovne zajednice iseljenika u procesu kreiranja politika za brži ekonomski razvoj Distrikta;
- povećanju iskorištenosti potencijala transfera znanja i poslovnog uvezivanja poslovne zajednice iseljeništva sa poslovnom zajednicom BDBiH;
- uspostavljanju struktuiranog pristupa u privlačenju i podršci direktnim investicijama iseljeništva ; i
- razvoju novih alata za investiranje iseljeništva u BDBiH kroz tržište kapitala.

#### 5.3.1. Prioriteti

Realizacija ovog strateškog cilja ostvarivat će se kroz sljedeće dvije prioritetne oblasti i predložene mjere u okviru prioritetnih oblasti:

#### **Prioritet 1 - Uspostavljanje mjera i mehanizama za povećanje nefinansijskih doprinosa iseljeništva ekonomskom razvoju BDBiH**

Mnogi iseljenici iz Distrikta, pored znanja i vještina koje posjeduju, uključeni su u čitav niz poslovnih aktivnosti i dešavanja u zemljama u kojim borave, bilo kao vlasnici ili kao visoko rangirani uposlenici u značajnim kompanijama. Sva dosadašnja iskustva u saradnji sa

dijasporom pokazuju spremnost iseljenika da svoja poslovna znanja, vještine i poslovne kontakte stave u funkciju ekonomskog i poslovnog razvoja zemlje porijekla.

**Prioritet 2 - Uspostavljanje mjera i mehanizama za povećanje finansijskih investicija iseljeničtva u BDBiH**

Dio iseljeničtva raspolaže značajnim finansijskim sredstvima koja je moguće staviti u funkciju ekonomskog i društvenog razvoja BDBiH. Pretpostavka za povećanje finansijskih investicija iseljeničtva je prije svega sticanje obostranog povjerenja i razvijanje modela podrške investitorima iz dijaspore.

2.3.2. Mjere

Realizacija Strateškog cilja 3 i utvrđenih prioriteta realizovaće se kroz provođenje slijedećih mjera:

**Mjera 1- Uključivanje predstavnika iseljeničtva iz poslovne zajednice u rad Privrednog vijeća BDBiH**

Cilj mjere:	Uspostaviti kvalitetan mehanizam za uključivanje iseljeničtva u poboljšanje poslovnog okruženja u Distriktu i privlačenje investicija
Sadržaj:	Identifikovati 3 predstavnika poslovne zajednice brčanskog iseljeničtva I uključiti ih aktivno u rad Privrednog vijeća
Rezultat:	<ul style="list-style-type: none"> <li>*Promocija potencijala Distrikta</li> <li>*Bolje razumjevanje mogućnosti i interesa iseljeničtva vezanih za investiranje</li> <li>* Bolja komunikacija sa poslovnim iseljeničtvom</li> <li>* Uspostavljena saradnja poslovnog iseljeničtva sa domaćim privrednicima</li> </ul>
Nosioci	Kabinet Gradonačelnika Odjeljenje za evropske integracije I međunarodnu saradnju Privredno vijeće BDBiH
Korisnici	Vlada i poslovna zajednica BDBiH

*Opis mjere:* Predstavnici iseljeničtva iz poslovne zajednice bi na ovaj način zvanično i značajno mogli, kroz davanje savjeta i inputa vezanih za politike i procedure koje imaju uticaj na investicije iseljenika i opšti ekonomski razvoj Distrikta, dati svoj doprinos, te ujedno raditi na promociji ekonomskih potencijala Distrikta u inostranstvu i na dizajniranju i pripremanju

potencijalnih projekata za investiranje u saradnji sa poslovnom zajednicom i organima Vlasti BDBiH.

**Mjera 2:** Uključivanje BDBiH u osnivanje i rad mreže za poslovno uvezivanje i transfer znanja/mentorstvo

Cilj mjere:	Uspostaviti kvalitetan mehanizam za poslovni razvoj privatnog sektora u BDBiH koristeći poslovne potencijale iseljeničtva, kao i međusobno umrežavanje poslovnog iseljeničtva
Sadržaj:	Koristeći uspostavljene mehanizme koordinacije aktivno se uključiti u osnivanje i rad mreže zajedno sa organizacijama privrednika iz Distrikta
Rezultat:	*Privrednici sa područja Distrikta povezani sa poslovnom zajednicom iseljenika *Privrednici Distrikta koriste usluge mreže
Nosioci	Odjeljenje za evropske integracije I međunarodnu saradnju Privredna komora BDBiH Udruženje poslodavaca BDBiH
Korisnici	Poslovna zajednica BDBiH

Opis mjere: Okvirnom strategijom razvoja saradnje sa iseljeničtvom BiH predviđeno je na nivou BiH osnivanje mreže za poslovno uvezivanje i transfer znanja/mentorstvo u kojoj bi Distrikt trebao uzeti aktivno učešće. Kroz ovu mrežu bi poslovni ljudi iz iseljeničtva volontirali svoje ekspertize, iskustva, te poslovne veze kako bi međusobno surađivali i bili mentori za kompanije/preduzetnike iz BiH.

**Mjera 3:** Organizacija poslovnih susreta iseljenika i susreta sa domaćim privrednicima sa redovnom učestalošću

Cilj mjere:	Uspostaviti kvalitetan mehanizam za identificiranje I održavanje redovnog kontakta i saradnje sa poslovnim iseljeničtvom, njihovo međusobno poslovno umrežavanje , te umrežavanje sa kompanijama/poduzetnicima iz Distrikta I drugim učesnicima Sajma
-------------	---

Sadržaj:	Identificirati i pozvati na Sajam najmanje 3 predstavnika/kompanije iz iseljeništva koji bi uzeli aktivno učešće kroz prezentaciju svojih proizvoda/usluga
Rezultat:	*Privrednici sa područja Distrikta povezani sa poslovnom zajednicom iseljenika * Poslovna zajednica iseljenika povezana međusobno
Nosioci	Odjeljenje za evropske integracije I međunarodnu saradnju Organizatori sajma
Korisnici	Poslovna zajednica BDBiH

*Opis mjere:* U okviru već tradicionalnog Sajma privrede Distrikta pozvali bi se iseljenike iz poslovnog miljea koji imaju vlastite kompanije ili rade na rukovodećim mjestima u ino kompanijama ( sa jasnim sektorskim i ili tematskim usmjerenjem) da prezentiraju svoju ponudu i aktivno učestvuju na sajmu i popratnim manifestacijama.

**Mjera 4:** Uključivanje iseljeništva u postojeće mehanizme preferencijalnog finansiranja investicionih projekata u Distriktu

Cilj mjere:	Uspostaviti kvalitetan mehanizam za da iseljeništvo bude promptno informisano o otvorenim javnim pozivima i mogućnosti korištenja bespovratnih sredstava ili sredstava pod preferencijalnim uslovima sa ciljem podsticanja I promoviranja direktnih investicija iseljenika u Distrikt Brčko
Sadržaj:	Koristeći uspostavljene mehanizme koordinacije i registar iseljenika ažurno informisati iseljenike o mogućnostima dobijanja bespovratnih sredstava i sredstava pod preferencijalnim uslovima putem sajta I direktnom e-mail komunikacijom
Rezultat:	*Potencijalni investitori iz iseljeništva ažurno informisani o svim aktivnostima Distrikta u ovom domenu
Nosioci	Odjeljenje za privredni razvoj, sport i kulturu Razvojno - garantni Fond Distrikta Odjeljenje za evropske integracije i međunarodnu saradnju
Korisnici	Iseljeništvo

*Opis mjere:* Vlada BDBiH koristi čitav niz mehanizama za podsticaj novih investicija i zapošljavanje koje putem javnih poziva realizuje. Realizacija ove mjere predviđa da se svim iseljenicima koji su registrovani u registru iseljenika redovno šalju svi raspisani javni pozivi kako bi se obezbjedilo da iseljenici budu promptno informisani o mogućnostima i pogodnostima preferencijalnog finansiranja i obezbjedilo da i oni potencijalno mogu participirati u njima.

**Mjera 5:** Uvođenje instrumenata finansijskog tržišta i tržišta kapitala za angažovanje finansijskih i investicionih resursa iseljenika u ekonomski razvoj

Cilj mjere:	Izdavanjem obveznica za finansiranje nekih od važnih projekata Distrikta dobila bi se dodatna sredstva od iseljeničtva I uspostavio obostrano ekonomski isplativ sistem dugoročnog finansiranja kojim bi se ojačale ekonomske veze i povjerenje.
Sadržaj:	Koristeći mogućnost izdavanja hartija od vrijednosti (obveznica) Distrikta prikupila bi se od iseljeničtva dodatna sredstva potrebna za finansiranje nekog od kapitalnih projekata od interesa za Distrikt.
Rezultat:	*Potencijalni investitori informisani o mogućnosti investiranja u obveznice * Prikupljena sredstva za finansiranje projekata
Nosioci	Vlada BDBiH Direkcija za finansije Komisija za papire od vrijednosti Odjeljenje za evropske integracije i međunarodnu saradnju
Korisnici	Vlada BDBiH, iseljeničtvo i građani Distrikta

*Opis mjere:* Iseljenici raspolažu značajnim slobodnim finansijskim sredstvima koja trenutno u Distrikt moga samo plasirati u formi direktne investicije ili kroz štednju u nekoj od domaćih banaka. Realizacijom ove mjere otvara im se mogućnost da svoja slobodna finansijska sredstva plasiraju na siguran način i uz garantovani prinos plasiraju preko tržišta kapitala. Za realizaciju nekih od važnih infrastrukturnih i/ili projekata ekonomskog razvoja Distrikt će u cilju prikupljanja novčanih sredstava izdati obveznice koje bi u prvom redu bile usmjerene na potencijalne kupce iz iseljeničtva.

#### **5.4. Strateški cilj 4 – Uključivanjem mladih iz iseljeničtva stvoriti uslove za poboljšanje položaja mladih u Distriktu i razvoj cirkularnih migracija**

BDBiH čini značajne napore na popravljajući položaja mladih i njihovom aktivnom uključivanju u sve sfere društvenog života i razvoja u Distriktu. U tom kontekstu donesen je i Zakon o mladima<sup>11</sup> i formirano Vijeće mladih i na taj način stvoreni institucionalni uslovi za brži razvoj i

<sup>11</sup> Zakon o mladima Brčko Distrikta BiH <https://skupstinabd.ba/3-zakon/ba/Zakon%20o%20mladima%20Brc--ko%20distrikta%20BiH/001%2018-17%20Zakon%20o%20mladima%20Brc--ko%20distrikta%20BiH%20B.pdf>

unapređenje položaja mladih. Uključivanje mladih iz iseljeničtva doprinijelo bi jačanju veza sa iseljeničtvom, naročito druge i treće generacije iseljenika, sa zemljom porijekla, uspostavljanju dugoročne saradnje na pitanjima od zajedničkog interesa za mlade i pospješilo cirkularne migracije mladih.

#### 5.4.1. Prioriteti

**Prioritet 1:** Uspostavljanje trajne komunikacije i participacije mladih iz iseljeničtva u aktivnostima mladih BDBiH

**Prioritet 2:** Uključivanje mladih iz iseljeničtva u razvoj Distrikta

#### 5.4.2. Mjere

**Mjera 1:** Organizacija susreta mladih iz iseljeničtva

Cilj mjere:	Povezivanje mladih iz iseljeničtva međusobno i sa mladima iz Distrikta radi umrežavanja, razmjene iskustava i identificiranja zajedničkih područja saradnje
Sadržaj:	Pod pokroviteljstvom Vlade BDBiH, a u organizaciji Odjeljenja za stručne i administrativne poslove i Vijeća mladih jednom godišnje bi se organizovao Forum mladih iz iseljeničtva na kojem bi mladi iz Distrikta i iseljeničtva razmjenjivali iskustva, ideje i inicijative oko zajedničkih područja aktivnosti i saradnje u funkciji razvoja Distrikta i cirkularnih migracija
Rezultat:	<ul style="list-style-type: none"> <li>• Uspostavljen Forum kao oblik saradnje mladih</li> <li>• Napravljena mreža mladih iz iseljeničtva</li> <li>• Promovisane inicijative mladih</li> </ul>
Nosioci	Odjeljenje za stručne i administrativne poslove i Vijeće mladih
Korisnici	Mladi iz iseljeničtva i mladi iz Distrikta

*Opis mjere:* Realizacijom ove mjere u prvom redu bi se doprinijelo uključivanju mladih iz iseljeničtva u tokove rada i razvoja mladih u Distriktu te njihovo međusobno umrežavanje kako u iseljeničtvu tako i sa mladima u Distriktu. Osim promotivnog potencijala ova mjera može značajno doprinijeti i pokretanju velikog broja inicijativa i projekata kojima bi se unaprijedio položaj mladih u Distriktu a time i doprinijelo daljem razvoju Distrikta i zadržavanju mladih na ovom području.

**Mjera 2 - Ljetni kamp za mlade iz iseljeničtva**

Cilj mjere:	Povezivanje mladih iz iseljeničtva međusobno i sa mladima iz BiH radi umrežavanja, razmjene iskustava i identificiranja zajedničkih područja saradnje
Sadržaj:	Organizovaće se ljetni kamp za mlade iz iseljeničtva u trajanju od 5 dana na kojem će se mladi iz iseljeničtva upoznati sa Distriktom i zajedno sa mladima iz Distrikta provoditi čitav niz zajedničkih

	aktivnosti. Na kampu će učestvovati 10 -15 mladih iz iseljeništa srednjoškolskog uzrasta koji je prijave na javni poziv.
Rezultat:	<ul style="list-style-type: none"> <li>• Napravljena mreža mladih iz iseljeništa</li> <li>• Promovisane saradnja sa mladima iz iseljeništa</li> </ul>
Nosioci	Odjeljenje za stručne i administrativne poslove, Odjeljenje za obrazovanje, Forum mladih, Odjeljenje za privredni razvoj, sport i kulturu i klubovi iseljenika
Korisnici	Mladi iz iseljeništa i mladi iz Distrikta

*Opis mjere:* Ljetni kamp bi se organizovao na nekoj od pogodnih lokacija u Distriktu. Učesnici kampa iz iseljeništa bi imali priliku da se upoznaju sa prirodnim i turističkim potencijalima Distrikta i drugim sadržajima od njihovog interesa. Za vrijeme trajanja kampa organizovao bi se i čitav niz sportskih i kulturnih dešavanja za mlade te debate mladih o različitim temama. U sklopu kampa mladi iz iseljeništa bi imali i susrete sa zvaničnicima Distrikta na teme koje mogu biti od zajedničkog interesa.

### **Mjera 3 - Omladinski projekti za bolje Brčko**

Cilj mjere:	Cilj ove mjere je da se zajedničkim radom mladih iz Distrikta i mladih iz iseljeništa realizuju zajednički projekti na teritoriji Distrikta koji će doprinijeti razvoju
Sadržaj:	Vlada BDBiH bi putem javnog poziva finansirala omladinske projekte u kojima aktivno učestvuju mladi iz iseljeništa. zajedno sa omladinskim organizacijama iz Distrikta
Rezultat:	<ul style="list-style-type: none"> <li>• Realizovani projekti</li> <li>• Promovisana saradnja sa mladima iz iseljeništa</li> </ul>
Nosioci	Odjeljenje za stručne i administrativne poslove, Odjeljenje za evropske integracije i međunarodnu saradnju
Korisnici	Omladinske organizacije, građani Distrikta, mladi u iseljeništvu

*Opis mjere:* Omladinske organizacije iz Distrikta bi zajedno sa mladim u iseljeništvu (najmanje 3 osobe) osmišljavali i realizirali projekte koje bi finansirala Vlada BDBiH. Finansiranje bi se vršilo na osnovu godišnjeg javnog poziva, a sredstva bi se dodjeljivala po istoj proceduri po kojoj se dodjeljuju i druga sredstva za ove namjene. Uslov za dobijanje sredstava bi bilo obezbjeđivanje sufinansiranja u iznosu od najmanje 20% vrijednosti projekta i učešće najmanje 3 mladih iz iseljeništa. Projekti se mogu odnositi na bilo koju oblast života i rada u Distriktu gdje je osnovni kriterij da se projektom izvrši unapređenje ili poboljšanje.

### **3. Budžet potreban za implementaciju Strategije**

Za implementaciju ove Strategije razvijanja saradnje sa iseljeništvom u narednom petogodišnjem periodu potrebno je iz budžeta BDBiH obezbjediti dodatna sredstva u ukupnom iznosu od 811.000 KM za period provođenja Strategije.

Strategijom nisu predviđana sredstva koja će se za provođenje pojedinih mjera iz strategije eventualno obezbjediti od donatora, međunarodnih organizacija i drugih zainteresovanih da učestvuju u njenom provođenju. Eventualna dodatna sredstva će biti iskorištena ili za provođenje dodatnih aktivnosti ili za finansiranje aktivnosti iz Strategije u kojem će slučaju izdvajanje iz budžeta DBBiH biti umanjeno za iznos tako prikupljenih sredstava.

U petogodišnjem periodu provođenja strategije za ostvarivanje postavljenih strateških ciljeva i provođenje mjera i aktivnosti potrebno je po pojedinim strateškim ciljevima izdvojiti:

Strateški cilj 1 – Institucionalni kapaciteti i povezivanje	325.000 KM
Strateški cilj 2 – Iseljništvo i društveni razvoj	201.000 KM
Strateški cilj 3 – Iseljništvo i ekonomski razvoj	20.000 KM
Strateški cilj 4 – Mladi i iseljništvo	265.000 KM

## STRATEGIJA RAZVOJA SARADNJE SA ISELJENIŠTVOM BRČKO DISTRIKTA BiH

### Strateški ciljevi

**Strateški cilj 1** Razviti institucionalne i normativne kapacitete BDBiH za uspješnu saradnju sa iseljeništvom

**Strateški cilj 2** Uključivanjem društvenog i ljudskih kapitala iseljeništva ubrzati društveni razvoj Distrikta i ojačati

**Strateški cilj 3** Obezbjediti aktivno sudjelovanje iseljeništva u ekonomskom razvoju BDBiH

**Strateški cilj 4** Uključivanjem mladih iz iseljeništva stvoriti uslove za poboljšanje položaja mladih u Distriktu i razvoj

Mjere
Uspostaviti vertikalnu koordinaciju sa nadležnim tijelima, organima i organizacijama na nivou BiH
Uspostaviti horizontalnu koordinaciju svih Odjeljenja u sastavu Vlade BDBiH po pitanjima i aktivnostima vezanim za iseljeništvo
Edukacija, obuka i trening rukovodilaca/službenika zaduženih za pitanja iseljeništva i saradnju sa iseljeništvom
Uspostavljanje i ažuriranje registra iseljeništva BDBiH
Organizovanje radne manifestacije "Dani brčanske dijaspore"
Organizovanje studijskih posjeta brčanskom iseljeništvu

Mjere
Razvijanje kanala razmjene informacija o potrebnim i raspoloživim resursima za transfer znanja i vještina
Razvoj mehanizama podrške transferu znanja i vještina
Uspostavljanje fundusa književnog i publicističkog stvaralaštva iseljeništva – iulturni kutak dijaspore
Predstavljanja likovnog i multimedijalnog stvaralaštva iseljeništva i domaćih umjetnika u zemljama iseljeništva

Mjere
Uključivanje predstavnika iseljeništva iz poslovne zajednice u rad Privrednog vijeća BDBiH
Uključivanje BDBiH u osnivanje i rad mreže za poslovno uvezivanje i transfer znanja/mentorstvo
Organizacija poslovnih susreta iseljenika i susreta sa domaćim privrednicima sa redovnom učestalošću
Uključivanje iseljeništva u mehanizme preferencijalnog finansiranja investicijskih projekata i zapošljavanja
Uvođenje instrumenata finansijskog tržišta i tržišta kapitala za angažovanje finansijskih i investicionih resursa iseljenika u ekonomski razvoj

Mjere
Organizacija susreta mladih iz iseljeništva
Ljetni kamp za mlade iz iseljeništva
Omladinski projekti za bolje Brčko